

**Cawangan Pusat Setempat Pemutihan 6P Di Kuantan Beroperasi Esok  
Bernama  
3 Januari , 2012**

PUTRAJAYA, 3 Jan (Bernama) -- Kementerian Dalam Negeri (KDN) membuka cawangan pusat setempat proses pemutihan Program 6P di Kompleks KDN Kuantan, Pahang yang akan beroperasi esok.

Ketua Setiausaha KDN Tan Sri Mahmood Adam berkata cawangan baru itu bagi memberi kemudahan kepada majikan di Pahang, Terengganu dan Kelantan.

"Sama seperti semua pusat setempat yang lain, cawangan di Kuantan juga akan beroperasi 24 jam setiap hari termasuk Sabtu dan Ahad sehingga selesai proses pemutihan yang dijadualkan tamat 10 Jan 2012," katanya dalam satu kenyataan, di sini Selasa.

Cawangan terbaru itu menjadikan jumlah keseluruhan lapan pusat setakat ini, katanya.

Mahmood berkata melainkan permohonan pertukaran majikan oleh pekerja tanpa izin, semua urusan di cawangan Kuantan adalah sama dengan operasi di pusat setempat Putrajaya.

---BERNAMA

Hakcipta © 2012 BERNAMA

Source: <http://www.bernama.com/bernama/v5/bm/newsindex.php?id=637722>